

Club da tennis Trun



Protocol dalla radunonza generala dils

10 da fenadur 2020 allas 20.00 uras ella Pizzeria Da Stefano (Dulezi)

Gliesta da tractandas

1. Beinvegni ed appel
2. Elecziun da dus dumbravuschs
3. Protocol dalla radunonza generala dils 23-03-2019 (publicaus sin www.ct-trun.ch)
4. Rapports annuals
 - a) president
 - b) meinagiug/meinaturnier
 - c) cau da juniors
5. Rendaquen
 - a) quen annual
 - b) rapport dils revisurs ed approvaziun dil quen
 - c) amortisaziun dalla hipoteca
6. Elecziuns
 - a) cassier/a
 - b) meinagiug/meinaturnier
 - c) revisur/a da quen
 - d) responsabel/bla pil lotto
7. Mutaziuns
 - a) entradas
 - b) extradadas
8. Fixaziuns dallas contribuziuns
 - a) annualas
 - b) affitaziuns dils plazs
9. Damonda per credit supplementar
10. Damondas da pagar anavos quotas da fatschenta
11. Program/termins 2020
12. Varia

Zercladur 2020

per la suprastonza
il president Erich Decurtins

1. Beinvegni ed appel

Il president Erich Decurtins fa in cordial beinvegni alla radunonza generala che ha liug uonn empau pli tard muort il COVID-19. In special beinvegni admetta el als commembers d'honor Gion Petschen e Venanzi Nay. Per far appel han ins schau cursar ina gliesta da presenza.

Perstgisas ha il president survegniu las suandontas:

Fidel Quinter, Cristina Derungs, Silvana Guldemann, Beatrice Decurtins, Ricarda Tuor, Paula Nay, Sereina Decurtins, Patrizio Decurtins, Gieri Decurtins, Carmen Demont, Anastasia Wolf e Vica Maissen.

Silsuenter vegn la gliesta da tractandas prelegida ed approbada unanimamein.

2. Elecziun da dus dumbravuschs

Sco dumbravuschs vegnan Simon Lechmann e Ramun Venzin elegi.

3. Protocol dalla radunonza generala dils 23-03-2019 (publicaus sin www.ct-trun.clubdesk.com)

Il protocol dalla davosa radunonza generala ei vegnius publicaus sin nossa pagina d'internet. Aschia ha mintgin giu la pussevkladad da leger quel. Demai ch'ei dat neginas damondas e neginas objecziuns per amplificaziuns vegn il protocol approbaus unanimamein. Il president engrazia alla actuara.

4. Rapports annuals

a) president

La suprastonza ei serimnada 4 gadas igl onn vargau. Las activitads sportivas havein nus entschiet sco mintg`onn cun il camp da tennis el Tessin. Leu havein nus passentau ina biala fin d'jamna ensemen. Nus vein filau vid la tecnica, essan denton era stai da cumpignia. La dumengia avonmiezdi era l'aura buc aschi favoreivla, aschia che nus vein lu stuiu ni astgau trenar en halla.

Ina jamna pli tard vein lu saviu preperar ils plazs e paucs dis suenter entscheiver cun ils tranaments. Ei fuss d'avantatg, sch'in ni l'auter dapli savess gia segidar il venderdis, aschia che nus savessen luvrar speditivamein la sonda endamaun.

L'entschatta matg han las partidas d'Interclub entschiet. Dapli da quellas partidas vegn il meinagiug Silvio Albin ad orientar pli tard.

Sper las partidas d'Interclub ed ils turniers usitai, vein era uonn puspei priu part al Cup Grischun dils clubs. Giugau han uonn: Simona Demont, Ricarda Tuor, Gion Petschen ed Erich Decurtins. Sco gia ils davos onns vein giu grond success ed uonn schizun contonschiu il final. Il final vein nus spiars cnap 2 – 1 encunter Landquart. Sper intensivs giugs vein nus era gudiu la cumpignia e saviu tgirar novs contacts.

Duront la stad vein nus puspei menau atras las seras dil club. Sco igl onn vargau stoi jeu dir ch'igl ei donn che quellas seras vegnan buca frequentadas meglier. Quellas seras fussen igl ideal liug da combinar il dar tennis cun il star da cumpignia e dar ina paterlada. Duront talas seras ein gia enqual bunas ideas naschidas, las qualas meinan tier in prosperar dil club.

El decuors dalla stad vein nus era montau la stora da sulegl nova. Quella ei gia secumprovada duront ils turniers, seigi quei encunter la plievgia, per star a suost ni da gronda calira.

Dallas finanzas vein nus giu bien quittau igl onn vargau. Grazia al lotto, mo era grazia al sustegn finanziel dil cantun, per menar atras turniers, savein nus presentar in bien quen. Per che quei stetti vinavon aschia, eis ei era impurtont che vus separticipeschies a nos turniers. Aschiditg che nus vein glieud avunda per menar atras ils turniers, savein nus era seprofitar da quei sustegn finanziel.

La IG Surselva ha tschentau a nus la damonda da sustegn da frs. 2'000.- per la cuvrida cun in ballun da 2 plazs da tennis a Glion, per saver dar tennis era igl unviern. Cun quels daners vegn la cuntinuaziun dallas lavurs, las damondas da baghegiar eav. sustenidas. Nus vein dau suatientscha alla damonda.

Il lotto 2020 havein nus deplorablamein buca saviu menar atras, muort il coronavirus. Nus vegnin denton segir ad encurir in niev datum pil lotto enzacu pli tard. Cunquei che quei ei in fetg impurtonta intrada per nies club lessel jeu engraziar grondamein al team dil lotto: la Silvana Guldemann, la Carmen Bearth, la Karin Peng, la Lea Alig, il Silvio Albin, il Ramun Venzin ed igl Erich Decurtins.

Per il proxim onn füss ei miu giavisch, che nus fagessen part pli stedi allas seras dil club, sco era a nos turniers. Jeu crei che las activitads dil club ein impurtontas per il prosperir dil club.

Per finir engraziels jeu a mes consuprastonts per la buna collaboraziun che nus vein giu, sco era a nos sponsurs dil lotto ed allas fatschentas che han ina reclama giu sil plaz da tennis. In engraziels era allas equipas d'Interclub per lur lavur ed a tut quels che han segidau sin ina ni l'autra moda durant igl onn vargau.

b) meinagiug/meinturnier

Sesiun d'interclub

Suenter il camp da trenament dils 6 – 7 d'avrel a Locarno, organisaus per la secunda gada da nossa commembra Martina Nay (bien engraziament!) havein nus saviu far diever naven dils 16 d'avrel da nos plazs da tennis ed aschia sepreparar silla sesiun d'Interclub. Quella ha entschiet ils 4/5 da matg e purtau success aber era enqual trumpada allas differentas equipas. Aschuntau laschel suandar ils resultats, las tabellas da rangaziun ed in cuort commentari.

Damas 1. ligia

Puspei ina sesiun suverana dalla damas d'emprega ligia. Inagada dapli han ellas contonschiu gl'empreg plaz. Suenter duas claras victorias els emprems giugs da promoziun per far il pass ella ligia naziunala C, spiardan ei lu a casa cun 2 : 4 il giug decisiv encunter Girls RV ZH.

Cordiala gratulaziun per quella prestaziun fenomenala.

Resultats

<i>Trun</i>	-	<i>Panaduz</i>	5 : 1
<i>Rüschlikon</i>	-	<i>Trun</i>	2 : 4
<i>Sanapark Bir'dorf</i>	-	<i>Trun</i>	3 : 3

Rangaziun

1.	<i>Trun</i>	12/28 - 13
2.	<i>Sanapark</i>	11/23 - 17
3.	<i>Rüschlikon</i>	10/21 - 17
4.	<i>Panaduz</i>	02/07 - 32

Promoziun

<i>Trun</i>	-	<i>Cuera 2</i>	6 : 0
<i>Waidberg ZH</i>	-	<i>Trun</i>	1 : 5
<i>Trun</i>	-	<i>Girls RV ZH</i>	2 : 4

Damas 2. ligia

Era nossas giuvnas che dattan per la secunda gada campinadi han giu grond success e terminau il campinadi sin igl emprem plaz da tschun equipas. Cordiala gratulaziun!

Il giug da promoziun ordlunder encunter Balterswil-Bichelsee spiardan ellas cun 2 : 4 suenter ina buna prestaziun.

Resultats			Rangaziun	
Trun	- Pizol	3 : 3	1. Trun	16/ 35 - 18
Danis/Tavanasa	- Trun	2 : 4	2. Pizol	16/ 33 - 18
Trun	- Domat	4 : 2	3. Danis/Tavanasa	11/ 24 - 29
Lenzerheide/Lai	- Trun	1 : 5	4. Domat	10/ 21 - 30
			5. Lenzerheide/Lai	07/ 16 - 36
Promoziun				
Balterswil/Biech'see	- Trun	4 : 2		

Damas 30+ 2. ligia

Suenter che las damas han contonschiu igl onn 2018 aunc ils giugs da promoziun, han ellas quella gada stuiu secuntentar cun il davos plaz, quei malgrad haver battiu il capogruppa Triesen a casa cun 4 : 2! Il giu da relegaziun spiardan ei ordlunder cun 2 : 4 encunter Pardello/TI. Quei ei nuota pli tragic pertgei aschia han ei uonn ina finamira da far alla fin dalla sesiun puspei il pass en secunda ligia.

Resultats			Rangaziun	
Zebras	- Trun	5 : 1	1. Triesen	10/ 22 - 17
Domat	- Trun	4 : 2	2. Domat	10/ 21 - 18
Trun	- Triesen	4 : 2	3. Zebras	09/ 20 - 18
			4. Trun	07/ 15 - 25
Relegaziun				
Pradello/TI	- Trun	4 : 2		

Damas 40+ 3. ligia

La midada dalla categoria naven da 30 sin 40+ plus tier la squadra dallas damas ei veramein sepagada. Quei semuossan gia ils resultats ch'eiin stai fetg legreibels. Cun contonscher il tierz rang da 5 equipas ei quei stau ina sesiun fetg cuntenteivla per nossas "senioras".

Resultats			Rangaziun	
Trun	- Claustra	2 : 4	1. Claustra	16/ 34 - 21
Trun	- Panaduz	3 : 3	2. Panaduz	16/ 35 - 18
Flem	- Trun	4 : 2	3. Trun	10/ 23 - 31
Grüsch	- Trun	3 : 3	4. Grüsch	10/ 24 - 30
			5. Flem	08/ 20 - 36

Umens 2. ligia

Suenter ch'ils giuvens da Trun han giu dominau il campinadi 2018 ed ein meritadamein vegni promovì en secunda ligia, han ei sentiù la sesiun vargada in vent ualti criu. Ei ha dau - cun ina excepziun - terradas ualti claras. Aschia ch'ei han terminau il campinadi sil davos plaz ed era spiars il giug da relegaziun ordlunder cun 1 : 8 encunter Haldenstein. Per els vala la medema devisa sco per las damas 30+, sche pusseivel contonscher in plaz davontier ella tabella la sesiun vegnenta. In avantatg ha quella tiarza ligia: ei dat ussa dus derbis, numnadamein encunter Sedrun e Danis/Tavanasa.

Resultats			Rangaziun		
Tusaun	-	Trun	9 : 0	1. Tusaun	21/ 43 - 17
Trun	-	Pizol	0 : 9	2. Pizol	18/ 40 - 22
Trun	-	Sevelen	0 : 9	3. Sevelen	15/ 33 - 25
				4. Trun	00/ 02 - 54
Relegaziun					
Haldenstein	-	Trun	8 : 1		

45+ Umens 2. ligia

Ina nunspetgada sorpresa negativa per la squadra dils "seniors". La sesiun 2018 aunc spluntau alla porta d'emprema ligia, contonscha l'equipa mo il 3 plaz ella tabella ed ha aschia giu da dar la runda da relegaziun. Il giug decisiv ei staus encunter la squadra da Panaduz. Ina equipa ch'ins haveva ils davos onns battiu pliras gadas claramein ed aschia ei igl optimissem staus gronds. Mo tgei sorpresa. Il davos spiardan ils seniors quei giug cun 3 : 4 bein era cun empau discletg. Aschia ei la curdada en 3. ligia stada inevitabla. Denton han differentas squadras dessistiu da far il pass en secunda ligia. Tenor ina decisiun alla meisa verda sa Trun puspei dar la sesiun proxima en secunda ligia.

Resultats			Rangaziun		
Trun	-	Schaan	2 : 5	1. Schann	16/ 35 - 15
Trun	-	Sevelen	5 : 2	2. Razén	12/ 25 - 25
Razén	-	Trun	3 : 4	3. Trun	11/ 26 - 22
				4. Sevelen	03/ 12 - 36
Promoziun					
Panaduz	-	Trun	4 : 4		

Rapports dils giugs silla pagina d'internet

La damonda ei schebein nus lein cuntinuar cun quella rubrica era la sesiun proxima? Ei fa mo senn, sche tutt'equipas publicheschan mintgamai lur rapports da giug. Ina autra varianta füss da metter silla HP mo ils resultats ed ils singuls giugs.

Gliesta da rangaziun singul e dubel 2019

In "deja vu" aber aunc mender che 2018. La sesiun 2018 ha ei dau silmeins treis annunzias aber neginas activitas. La sesiun vargada ei stau mo ina activitad cun in giug denter Erich Decurtins e Gion Petschen aber neginas ulteriuras annunzias. Muort quella desinteressenza ei bein il meglier da metter la gliesta da rangaziun ad acta entochen ch'ei vegn ideas novas ed inovativas co far pli attractiva quella occurrenza.

Seras dil club 2019

Deplorablamein san ins far il medem lamento tier las seras dil club sco per la gliesta da rangaziun. Sulettamein ina sera ei stada occupada fetg bein. Dalla suprastonza essan nus dil meini da schar curdar quei sistem e far eventualmein mo duas seras dil club, lu denton cun uustria e grilladas.

Remarcas

Dalla davosa radunonza generala haiel jeu dau giu igl uffeci da meinaturnier ch'era cumbinaus cun il meinagiug. Quella scharscha da meinaturnier ha il president Erich Decurtins surpriu. Bien engraziament. Per mei ei quei stau in grond levgiament. Denton fuss ei impurtont da saver discargar il meinaturnier dalla lavur cun reparter ils turniers sin pliras persunas.

Engraziament

Jeu engraziels als differents capitans dallas equipas d'Interclub ed a mes collegas dalla suprastonza per la fetg buna collaboraziun.

Turnier da divertiment da Anceinza 2019

La sesiun da turniers ha entschiet en cun il турниr da divertiment da Anceinza. Il турниr ei vegnius giugaus en fuorma da dubel cun 11 equipas, partidas si en 2 gruppas. Igl ei in турниr ch'il star da cumpignia ei plitost pli impurtonts che il gudignar. Gudignau il турниr han Rinaldo Tomaschett ed Erich Decurtins.

Cup Crestas dils 5 – 7 da fenadur 2019

Cun 27 giugadurs che ha giugau singul en 2 categorias e 5 equipas che han giugau dubel/mix ei la participaziun stada buna. Il турниr ei vegnius giugaus en gruppas nua che ils mez finalists ein vegni erui, tier la categoria dubel/mix han mintga equipa giugau ina encunter l'otra.

Resultats miez finals e final R5 – R9

Janett Marc – Bush Mattias 6:3 / 6:2 ; Pally Valentin – Maissen Andrey 6: 3 / 6:2 ; el final ha Janett Marc battiu Pally Valentin 6 : 3 / 6:4.

Resultats miez finals e final R7 – R9

Zanin Cedric – Bisquolm Simon 6:3 / 6:4 ; Schmed Thomas – Rupf Reto 4:6 / 6:4 / 10:6 ; en in dramatic final batta Schmed Thomas siu collega dal club da Muster cun 2:6 / 6:3 e 15:13.

Dubel/mix : sco menziunau sisu ei vegniu giugau mintga gruppa in encunter lauter, gudignau han il турниr Silvana Guldemann ed Erich Decurtins, sil secund plaz ein rangai Tajana Pfister e Urs Pfister ed il tierz plaz han Cristina Derungs e Dario Albin contenschiu.

Cup Punteglias dils 31 d'uoost - 1 da settember 2019

Tier il cup Punteglias vein nus giu ina buna participaziun ella categoria 55 + R5 – R9 cun 12 participonts, las autras categorias ein stadas frequentadas malamein.

Resultats: Categoria 55 + R5 – R9

El miez final batta Gion Petschen Mario Hitz cun 6:3 / 6 : 2, en lauter miez final batta Erich Decurtins siu collega dil Tessin cun 6 :1/6:1; il final gudogna Erich Decurtins cun 7:6/ 6:4.

En las autras categorias vegn giugau en gruppas.

Categoria MS 35+ R5 - R7 ; 5 giugadurs; 1. Spichartz Konrad 2. Schmid Anton 3. Beltrami Piero

Categoria MS 35+ R7 – R9 ; leu ei vegniu eruiu en 2 gruppas ils finalists, il final ha Urs Pfister gudignau era en in giug dramatic cun il resultat da 1:6 / 7:6 / 13:11.

Ella categoria WS R4 – R9 ; 4 giugaduras ha Tamara Derungs gudignau avon Valeria Schmid.

Ella categoria WS 30+ R6 – R9 5 giugaduras gudogna Patrizia Fetz avon Manuela Decurtins.

Turnier dil club dils 10 – 11 d`uost 2019

Cun 6 equipas che dattan Interclub astgas ins spitgar che dapli che 9 femnas ed 8 umens prendan part al турниr dil club.

Tier las femnas ei vegniu giugau en 1 gruppa da 4 e en 1 gruppa da 5 giugaduras, en la gruppa 1 ei Carla Flury-Nay semessa atras ed en la gruppa 2 ha la Paula Nay gudignau ils biars giugs, il final ha la Carla Flury –Nay gudignau encunter sia sora Paula Nay cun 7:5 / 6:1.

Surselva dubel plausch

Quei турниr rotescha en ils clubs da Glion ensi, aschia che mintga club astga menar atras mintga zaconts onns quei турниr.

Cun 40 annunzias eisi stau ina fetg buna participaziun, a mintga giugadur vegn partiu tier 1 giugadur/A, e mintga giug vegn giugas cun in auter partenari/A.

Quei турниr ei lu era grad sco finiziun dils турниrs en nossa regiun, cheu eisi sper dar zaconts bials dubels era impurtont da tgirar la collegialitad e star empau da cumpignia, aschia che ei vegn lu magari tard la sera...

Per finir engraziel jeu a tut tgi che ha segidau da reussir bials турниrs ed en special allas equipas d'Interclub per far la ustria tier ils differentes турниrs.

c) cau da juniors

Entschiet ha la sesiun 2019 cun l'organisaziun dils trenaments dils juniors e las junioras.

Trenament

Miez mars ein ils taluns d'annunzia vegni reparti el consorzi da scola Trun/Sumvitg sco era scret ora el Fegl uffical Surselva. Era eis ei vegniu schau ir in mail a tut ils participonts dils davos onns. Nus vein retschiert totalmein 17 annunzias, 8 kids e 9 juniors e junioras.

Il diember d'annunzias ei semegliants cun igl onn 2018. Igl onn 2018 vein nus giu 20 annunzias. Sch'ins mira che igl onn 2017 ha aunc giu 37 annunzias, sefan ins en ch'igl interess vid ils cuors da tennis va anavos.

Fin avrel han ils trenaments entschiet. Ils kids ein vegni trenai da Dania Petschen e Natascha Wolf en ina gruppa la mesjamna suentermiezdi. Enqual gada ha aunc la Corina Petschen gidau ora. Suenter siat trenaments han ils affons dau la otgavla ga in турниr da finiziun. Els han saviu muossar lur progress ed han giu grond plascher dils numerus aspectaturs e dils premis ch'els han retschiert.

Illes juniors e las junioras dad 11-18 onns ein vegni trenai dad Nic Dermon. Cun nov annunzias havein nus fatg duas gruppas da trenament mintgamai il mardis sera naven dallas sis tochen las otg. Per terminar la sesiun da tennis havein nus organisau in turnier da finiziun fin settember. La partizapiziun ei denton buca stada aschi gronda sco giavischada, mo 5 juniors/as han priu part ad quei turnier. Illes affons han dau tennis e differents giugs. Per mintgin ha ei dau enzatgei da gudignar. Da miezdi ei vegniu grillau e gentau ensemen.

Engraziar less jeu era alla Dania, alla Natascha, alla Corina ed al Nic per lur super lavur e lur grond engaschi a favur da nos juniors. Senza vus fuss tut quei buca stau pusseivel.

Sco finiziun dalla sesiun ein illes trenaders ed il cau da juniors ir a tscheina el Centro entschatta november. Leu eisi vegniu discuriu sur dalla sesiun vergada e sur dalla proxima sesiun da tennis.

Interclub da juniors/as

Igl onn 2019 havein nus saviu annunziar ina gruppas pigl interclub da juniors. Tier las giuvnas vein giu ina gruppas ella liga B ella categoria U18. Quei ein Dania Petschen e Natascha Wolf. La Paula Maissen ha muort ina blessura buca saviu prender part.

Ellas han gudignau omisduas partidas encunter Walenstadt e Silvaplana. Totalmein han ellas fatg 5 puncts da 6 pusseivels. Aschia han ellas fatg las empremas en lur gruppas. Cordiala gratulaziun!

Tier illes giuvens havein nus deplorablamein saviu annunziar neginas equipas.

Cader regional

Igl unviern 2018/2019 ha ei dau negin cader regional, quei ord munconzas dad annunzias. Era igl unviern 2019/2020 ha ei dau negin cader regional, quei ord il medem motiv.

Camp da tennis

Il tennis-camp Surselva ei vegnius menaus atras duront la stad en dus loghens ella regiun Surselva. Igl onn 2019 ei quei stau a Mustér e a Glion. Giugadurs entscheviders ni pli avanzai ord l'entira regiun san separtizipar al camp. Igl onn 2020 dat ei puspei in camp da tennis a Trun. Quel ha liug naven dils 20 entochen illes 24 da fenadur 2020.

Program per la proxima sesiun

Per la sesiun 2020 ein illes trenaments da juniors/as puspei previ sco tochen dacheu. Entginas gruppas vegnan speronza era a separticipar agl Interclub da juniors.

Per la Dania, la Natascha ed il Nic eis ei stau la davosa sesiun ch'els ha trenau nos juniors e nossas junioras. Ad ellas ed ad el lessel jeu engraziar zun fetg per la lavur prestada illes davos onns en favur da nos juniors e nossas junioras.

Per la sesiun 2020 havein nus gia anflau trenaders e trenadras. Illes kids vegnan trenai danovamein da Daniel Maissen. Illes juniors e las junioras vegnan trenai da Milena e Tamara Derungs. Gia ordavon in grond engraziament ad els per lur engaschi en favur da nos juniors e nossas junioras.

Tuttina essan nus adina puspei alla tscherca da trenaders, cunzun per illes juniors. Igl ei fetg impurtont d'anflar persunas ch'ei promtas da trenar nos pigns e giuvens ch'ei il futur dil club. Jeu selegrel da mintgin che s'annunzia tier mei sch'el ha interess da daventar trenader.

5. Rendaquen

a) quen annual

Nossa cassiera Simona Demont presenta il quen e la bilanza dalla sesiun 2019. Cun in total d'entradas da frs. 38'452.75 ed in total d'expensas da frs. 31'480.85 siara il quen annual cun in gudogn da frs. 6'971.90.

Il president engrazia alla cassiera per la fetg buna lavur prestada.

b) rapport dils revisurs ed approbaziun dil quen

En num dallas revisuras plaida Lea Alig. Ella sa comunicar ch'il quen ei vegnius menaus schuber e bein e che tuts mussaments necessaris ein avon maun. Ella engrazia a Simona Demont per la buna lavur prestada. Medemamein engrazia ella a tut ils commembers e tuttas commembras che segidan a caschun dil lotto. Quei ei in fetg impurtont post pil quen. Essend ch'ei dat neginas objecziuns enviars il quen annual fa ella la proposta d'approbaziun. Il quen vegn approbaus unanimamein.

c) amortisaziun dalla hipoteca

La cassiera orientescha ils presents davart la hipoteca ch'il club da tennis ha tier la banca Raiffeisen. Il stand actual munta momentan à frs. 63'000.00 cun in tscheins da 3.25%. Ils 31 da schaner 2021 cuora ella giu. Nossa commembra Erna Nay pren cuort il plaid e declara ils avantatgs da pagar anavos la hipoteca.

Ils presents discuoran en caussa ed ei vegn fatg las suandontas propostas; 1. pagar anavos frs. 20'000.00 e la 2. proposta pagar anavos frs. 30'000.00.

Ei vegn votau: 1. Proposta: 16 personas, 2 proposta: 3 personas, abstenziuns: 6 personas. Aschia vegn la cassiera incumbensada da pagar anavos frs. 20'000.00 dalla hipoteca.

Erna sa comunicar ch'ei sa buca pli vegnir fatg ina hipoteca ferma. Ei vegn priu enconuschientscha.

6. Elecziuns

a) cassier/a

Simona Demont sedeclara prompta per in'ulteriura perioda d'uffeci da 2 onns sco cassiera. Cordial engraziament ad ella. Simona survegn in grond applaus.

b) meinaturnier/meinagiug

Il meinaturnier ed il meinagiug stattan aunc uonn en uffeci. Il president Erich era sedeclaraus prompts da segidar per in onn cun Silvio. Quella collaboraziun ha funcziunau fetg bein. L'organisaziun dils turniers e la presenza duront ils turniers ei fetg gronda. Ils commembers e las commembras segidan nua ch'ei vegn duvrau, denton eis ei dabia temps che sto vegnir impundius duront ina fin d'jamna sil plaz da tennis. Ils presents han endamen en caussa ed ein dil meini ch'ei savess vegnir partiu giu l'organisaziun dils turniers sin las personas che han fatg il cuors sco meinaturnier. Nies commember Luis Caduff fuss prompts da surpender ed

organisar in turnier igl onn 2021. El survegn in grond applaus. Co quei ha exact da veser ora igl onn 2021 vegn mirau dafertontier enteifer la suprastanza.

c) revisur/a da quen

Petra Duff vegn reelegida unanimamein per ils proxims dus onns.

d) responsabel/bla dil lotto

Silvana Guldumann-Giger stat a disposiziun per il post sco responsabla dil lotto. Ella vegn elegida unanimamein.

7. Mutaziuns

a) entradas

Las suandontas personas han tschentau la damonda d'entrar en nies club:

Carschi

- Werner Manetsch
- Adina Claudia Hasegan
- Geraldine Pfister

Las personas numnadas vegnan pridas si el club unanimamein.

b) extradadas

Las suandontas personas extreschan da nies club:

Juniors/Junioras

- Tino Cadruvi
- Paula Maissen
- Debora Galuzzo
- Joel Cajacob
- Levin Cajacob

Carschi

- | | |
|-------------------------|--|
| - Andrina Spescha | - Gert Jan Van Maar |
| - Claudia Wolf | - Marcus Mazzetta |
| - Ramon Orlik | - Melanie Albin |
| - Martin Cagienard | - Milan Kristic |
| - Silvia Job | - Fidel Quinter (dad activ sin passiv) |
| - Helen e Franco Raciti | - Lea Alig (dad activa tier passiva) |
| - Clau Maissen | |

8. Fixaziuns dallas contribuziuns

a) annualas

La contribuziun annuala resta sco dacheu.

b) affitaziuns dils plazz

Era cheu dat ei neginas midadas uonn.

9. Damonda per credit supplementar

La situaziun extraordinaria en connex cun il COVID-19 ha sfurzau la suprastonza dil club da tennis Trun da far ponderaziuns co organisar uonn la preparaziun dils plazz. Il „lockdown“ che cuzzau entochen ils 19 d'avrel. Aschia havein nus astgau far nuot sco uniun vid nos plazz. Nossa idea era perquei da surdar la preparaziun dils plazz alla firma Joseph Tennisplatzbau AG. Ensesez eran nus adina dil meini da ca. mintga 5 onns surdar quella lavur alla firma specialisada. En ina conferenza da telefon ha la suprastonza giu endamen co nus savessen preperar ils plazz e decidiu da tarmetter in whatsapp allas equipas d'Interclub cun ils suandonts puncts :

a) Sustegn l'equipa il meini dalla suprastonza da surdar la preparaziun dils plazz alla firma Joseph?

b) Ei l'equipa prompta da conceder alla suprastonza en quella situaziun extraordinaria in credit da frs. 5'500.- per la preparaziun dils plazz entras la firma Joseph Tennisplatzbau AG. Quella summa munta la differenza dils cuosts che nus impundin sche nus fagein sez ils plazz. Dalla radunonza generala vegness lu schau sancziunar ils commembers e las commembras quella decisiun.

Tut las equipas han dau suatientscha per schar far las lavurs la fatschenta Joseph Tennisplatzbau AG.

10. Damondas da pagar anavos quotas da fatschenta

Sco mintg'onn vegn era uonn pagau anavos las quotas da fatschenta. Ils nums da Claudia Spescha (61) e Mathilda Venzin permiert (31 e 32) vegnan tratgs ord la capiala. Il president pren si contact cun els (per Mathilda Venzin permiert vegn contactau Ramun Venzin).

11. Program/termins 2020

Muort il COVID-19 ha il turnier da divertiment buca giu liug la fin matg 2020.

Al Cup Crestas l'entschatta fenadur 2020 han 47 personas priu part, ina grondiusa participaziun. Aschia fa ei grond plascher da menar atras turniers.

Muort la stuschada dils termins d'Interclub dil matg/zercladur sin uost/settember e daniev 5 rundas per equipa stat ei en damonda, schebein ins vul insumma menar atras il turnier di club uonn ni buca. La suprastonza fa la proposta da schar curdar quei turnier per uonn. Ils presents ein era dil medem meini ed aschia ha il proxim turnier dil club liug igl uost 2021.

Il Cup Punteglias ha liug naven dils 21 entochen ils 23 d'uost 2020 e nus sperein sin stedia participaziun.

Il dubel mix che ha liug uonn a Glion vegn, muort ils giugs d'Interclub, stuschaus sin l'auter onn.

Il lotto ha liug daniev ils 3 d'october 2020.

12. Varia

Gion Petschen ei en il comité dalla uniun Surselva Indoor Tennis per far in ballon da tennis sin ils plazz da tennis a Glion. El presenta entgins details dil project e menziunescha ch'ei sto vegnir quintau cun rodund frs. 636'000.00. El mument vegn luvrau fetg vid encurir sponsurs, ir per lubientschas etc. per ch'il siemi dad in ballon da tennis sappi insumma vegnir realisaus.

Il president surdat a Silvio Albin ina butteglia vin sco engraziament per tut sia gronda lavur ch'el presta per il club sco era per sia grondiusa lavur en connex cun COVID-19. El retscheiva in grond applaus.

Erich declara ch'el cala sin la proxima radunonza generala sco president dil club da tennis Trun.

Il president siara la radunonza ed engrazia a tut quels che han priu part alla radunonza e giavischa ina biala sera.

Pil club da tennis Trun
L'actuara
Carmen Bearth-Albin